

آبونه شرايطي

ممالك عثمانيه ده سنه لکي (٦٥) ،
آلتی آيلنی (٣٥) غروشد .
ممالك اجنييه ده سنه لکي (٨٠) ،
آلتی آيلنی (٤٥) غروشد .

اداره ضاره

باب عالی جاده سنده دائره مخصوصه

اضطارات

آبونه بدلی پشیندر

مسلكه موافق آثار مع الممنونيه
قبول اولتور . درج ایدله یین
یازیلر اعاده اولونماز .

مصدق

۱۳۳۴

اضطارات


رساله مزدن آلتدینی کوسترک
شرطيله بتون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالری واضح
واوقوناقلی اولسی و آبونه صره
نومبر و سنی محتوی بولنسی لازمدر .

ممالك اجنييه ایچون آبونه اولانلرک
آدرس لرینک فرانسزجه ده یازلسی
رجا اولتور .

پاره کوندردلکی زمان نهیه دائر
اولدیغنک واضحاً بیلدیرلسی رجا
اولتور .

تفسیر قرآن کریم



قرآن کریم در عرض فطری

دعوت و اجتهادی بونلرک صماخ حیرت‌نارنده عکس انداز اولمغه باشلادی. لوتر تأسیس ایتدیکی بومذهبله قاتولیک پاپاسلرینک قورمیش اولدقلری بازارلری اساسندن صارصمیش، آرتق اورالرده رهایین ایله کنهکاران آره‌سندن جنت اراضی وعقاربینه متعلق آلیش ویریش پک دون بر مرتبه‌یه تنزل ایتمشدر.

حال بو مرکزده قالمیهرق قاتولیک رؤسای روحانیه‌سی برده کندیلرینی اورویا و اقطار سائر جهانده مدهش بر صورتده تأسس و انتشار ایتمهک باشلایان و قبول ایتدیکی اساس دینی اقاییم کله‌ی انکار ایله اله واحده قائل و معتقد اولمقدن عبارت بولنان توحید کلیسایلی قارشیسندن بولدیله.

فقط عجیب بو حال آنلرک، کوزلرینی قیامق، باشلرینی چویرمک کی کوستردکلری آثار تنفره رغماً قرآنک کوزلری اوکنده پارلاتدینی لمعه حقیقتدن، کندیلرینی فی‌الجمله طریق رشد و سداده سوق ایچون کوستردیکی اثر هدایتدن بشقه برشیمی ایدی؟

شبهه‌سز بر کون کله‌جک بونلر کندیلرینی امت محمدیه سلکده داخل اولمش کوره‌جکلر، و ایشته اوزمان قرون عدیده و اعصار متتابعه‌دن بری اسلام و قرآنه مخالفت وادیسندن اضاعه ایتدکلری عمرلرینک یاد الیمی قلبلرینی پارچه‌لایه‌جقدر.

عبدالعزیز چاوش

مترجمی: محمد شوکت

تونس و جزائرک استقلال

فرانسزلرک آفریقا‌ده ایقاع ایلکده اولدقلری مظالمی واثقیله برابر تمعاد ایدرهک مملکتلرینک حریت و استقلال ساققی استرداد چالیشان تونس و جزائر جمعیت استقلالیه‌سی ممثلی افاضل اسلامدن شیخ صالح شریف افندی حضرتلری طرفندن برلینده یازیلوب غرب و شرق لسانلریله طبع و توزیع ایدیلن بیاننامه‌ک متن عربیسی بو کره المزه یکمیش اولمغه درکار اولان اهمیتنه مبنی بر وجهه‌آی ترجمه‌ک مساعت ایلدک:

۱ -

الحمد لله وحده والصلاة والسلام على من لا نبي بعده.

محارب دشمنلر مزاولان فرانسز، انگلیز، روس ملتلریله ایتالیانلر کی بونلره التحاق ایدن خائسلرک فطرتلرند کنه‌دینک ماعداسی اولان امتلره تسلط ایتک؛ اوامتلرک استقلاللرینی، حریت شخصیه‌لرینی اللرندن آلهرق کیف مایشاء تحکمه بولمق؛ بیچاره‌لرک بوتون منافعی، مصالحی نفسلرینه حصر ایله هپسینی صرف کنندی هوسات بهیمیه‌لری اوغورنده صرف ایلک و باشقه‌لرینی هیچ بر حس شفقت و مرحمت ایله متحسین اولمقسنزین هر درلو اسباب حیاتدن محروم براقق ایچون چیلغینجه‌سینه بر انهماک وارد. ایشته بو ایکی وحشی و مذموم

امم غریبه‌نک عدالت، مساوات و حریت قبول و تطبیق خصوصنده قرآنک تعلیم و ارشادینه مدیون بولندقلرینی ادعا ایتمه حقمنز وارد. انلر بو فضائل اجتماعیه‌نک مآثر علویه‌سنی خلفای عباسیه دورینک بر قسمیه حکومت آکرادک بر جزیره کورمیشلر، الک مدهش تجلیاتنه زمان سعادته عهد خلفای راشدینه عائد وقایع و حادثات میاسندن مصادف اولمشلردر.

جناب حق قرآن کریمنده «کل نفس بما کسبت رهینه»، «لها ما کسبت وعلیها ما اکتسبت» دستورلریله مناط تکلیف کسب و عمل اولدیغی؛ بناء علیه هر کس، کرک خیر کرک شر، افعال و حرکاتنک جزاسنی کوره‌جکینی بیان ایتدکدن صوکر؛ جنت ایله جهنم، ثواب ایله عقاب ید قدرتمنده اولدیغی؛ مال و ماهیتی «یوم لا تملک نفس لنفس شیئاً» و «یوم لا ینفع مال ولا بنون الا من اتی الله بقلب سلیم» آیتلریله تشریح و بیان ایتدیکی روز جزانک حاکم مطلق ذات الوهیتسندن عبارت بولدیغی؛ بناء علیه قلبلرک الحق آنک بارکاه عظمتنه قارشی عرض خضوع ایتسی، نظرلرک اکا متوجه بولمسی، اللرک «ازالله لایغفر ان یشرک به و یغفر مادون ذلک لمن یشاء» نظم جلیلی ایله شرکدن وارسته اولانلره خاص اولدیغی بیلدیردیکی مغفرت الیه‌ی استعدا ایچون کال ضراعت و ابتهاج ایله اکا اوزانسی لازم کله‌جکینی بزه اکلاتمشدر.

شبهه یوقدرکه بشریت آره‌سندن بوقانون قسمی سماوینک حکمی جاری اولمغه باشلادیکی کوندن اعتباراً احوالده بر طاقم تبدلات، ساحه اعتقادیاتده مهم انقلابات حصوله ککش؛ قاتولیک پاپاسلری رحمت الیه‌نک توزیع و تقسیم وظیفه‌سنی درعهده ایدوب ایستدکلرینه جنتی صماق، دیله‌دکلرینی جهنمه صوموق اساسلرینه بنا ایدرهک قوردقلری بازار بیع و شراک اسکی رواجی محافظه ایده‌بیلمسندن نوید اولمشلردر.

اوت، عالمده کله توحیدک پیدای استقرار ایتدیکی، آنک نور هدایتیله خواص و عوامک کوزلری آچلادیکی کوندن اعتباراً قاتولیک راهب و بقیوسلری مدهش بر انکسار خیاله اوغرامشلردر.

چونکه آنلر کتاب کریمه متابعتی عظمت نفسلرینه یدیرمه‌مکده، حقایق قرآنیه‌ی بر حس نفرت و خصومتله تالی مسلککنده اصرار ایتدکلری حالده آنک منابع تعالیم و آیاتندن بر زلال فیض معنوینک قلبلرینه ترشح ایتکده اولدیغنک قرقه وارده‌مامقده ایدیلر.

فقط کونک برنده پروتستانلک مؤسسی اولان لوترک صدای

دکرمین کی اوکودمن محاربه حاضره بی ترتیب ایدرک میلیونرجه حیاته قیدیلر . دریار کی انسان قانی آقسنه سبب اولدیلر . بشریتک شئون و مصالحی . شکر دار اولدیلر . علومک ، فوئک چچکلی مثابه سنده بولولای . میلیونر شای . احتیاطات و شکیله یی هیچکله کندی هوسات . شکیله یی اضماعه یان ایتدیلر . شامتی کندی . شکر دار اولدیلر . مدھش . بوردنه تربیت ایدرک شرقدن ، غربدن ، جوبیدن آلمانیا دولتیله اوستریا - مجارستان حکومتی اوزرینه صالیدیلر . قافقاسیا ، بصره ، عراق ، چاق قلعه ، قره دکر جهتلرندن ده بزم اوزرمزه هجوم ایتدیلر . اک بویوک املاری شوایدی : خزینه العربیه قره دکر بوغازندن بر یول آچیرق انکلیز ، فرانسه ، ایتالیان ، روس اردولری برلشدیره جکر ؛ بوسورتله بوتون بالقان حکومتلرینک کال سهولتله کندی طرفلرینه کچمسی تأمین ایدم جکر ؛ موسقوف چکر که لری اسلحه ایله ، مهمات ایله ، ایجابی قدر ضابطلرله تهیز و دیگر طرفدن دولت علیه یی متفقارندن تجرید ایدرک هر درلو حرکتدن محروم براقه جکر ؛ اوستریا - مجارستانی ، آلمانیان هر طرفدن قوشاده رق هپسین بر دیمیر چنبر ایچنه آله جکر ؛ بوتون عالم بشیرشدن متجرد بر حاله کتیره رک حد و پیمان اولمیان موسقوف سورولریله مستعمرات عسکرلری و بوتون دنیا ده کی اسلحه ناریه دستکاهلری اوزرلرینه سوق ایدم جکر دی که آرتیق نتیجه نک نه اوله جغنی آنجق الله بیلیدی .

انسانیتدن نصیبی اولان بر آدم بو ملعونانه ترتیبی آزیمق دوشونه جک اولورسه درحال دهشتندن تویلی اوپرر ؛ بو وحشی ملتک بشریت حقنده بسله دکاری قانی و لئیم مقصدک اوکنده عقلی باشندن کیدر . شاید پلانلری تطبیقه ظفریاب اوله ییدیلر کوروردیکیز که چو حق ، قادی ، کنج ، اختیار دیمیرک بوتون راست کلدکلری قتل عامه محکوم ایدم جک ؛ بوتون مآثر شان و شرفی یرلر سرم جک ؛ بشرتی یاقوب بیقه جق ؛ دهاصو کرا عالم اسلام ایله اوروبای مرکزی عالمک مادی ، معنوی بوتون قوتلری اللرندن آلهرق جهانی باشدن باشه اسارت مفترسه و احصا صات بهیمه لری آله جکلردی . لکن بشریتک و بوتون کائناتک اله عادل اولان جناب حق - که اهل حقه رؤف و رحیم ، اهل باطله قارشی ایسه جبار و منتقم در - کال لطف و رأقیله دولت علیه یی صیانت بویوردی ؛ قهرمان عسکرلریله ، یوکسک فکری رجال سیاستله موقعی تحکیم ایتدی ؛ آلمان ، اوستریا - مجار ملتلیله حکمت ، حقیقت ، منافع متقابله اساسلری اوزرینه اتحاد ایللری اسبابی احضار ایلدی ؛ اونلره یالکیز عالی دکل ، اوزاق بر استقبالی کورم جک و انسانیه ، حقه نصرت ایتک و جوی آکلایه حق نافذ بر نظر ، صادق بر حس و یردی . صدق و اخلاصلری تین ایدن متفقلرینه قارشی کال خلوص و شفقتله طاوراندیلر . بوسورتله آق دکرله قره دکر و قافقاسیا ایله عراق آراسنده آهین برسد حالنده دولت علیه ثبات ایتدی . اوروپاده ، آفریقاده ، آسیاده معظم برجه حرب وجوده کتیره رک میلیونرجه دشمن عسکرینی اشغال ایله یوز بیکارجه سنی

خصلت سائقه سیله درکه کندیلرند حسد تجسم ایتش و انسانیتک محوی مستلزم اولان مقصد سافلرینه وصول ایچون بو ملت هر درلو مکر و خیانتک تمثلی کسيلمشد .

اوت ، بو ملت مراجعت ایتدکلری حیللر ، دسیسه لر سایه سنده قالدیلر ؛ دنیانک اک منبت ، اک زنکین ، اک صولاق ، اک هوادار طور اقلری اشغال ایدن دریسوز میلیونه یقین ابنای بشره مسلط اولدیلر . زوالیلری بویوندوروقلری الله آلهرق شئون و مصالحلرینه عائد هر درلو اداره سیاسی کندیلرندن سلب ایتدیلر . طور اقلرینک اک جوهر قسمنی ضبط ایتک صورتیه منابع تره لری قوروتدیلر . کندی صنعتلری یوزندن یرلی صنایعی ، هر درلو انصافدن عاری بولونان کندی تجارتلریله یرلی تجارتی کوکندن بیتدیلر . بویادقلری کافی کلیورمش کی طوتدیلر اهلینک اخلاقی افساد ایتدیلر ؛ دماغلری تنویر ایدم جک ، قلبلرینه نجیب حسار و یره جک هر درلو تعلیم و تربیه یی شدیداً منع ایلدیلر . یالکیز کندی قورلنده خدمتچیلک ایدم بیلرینه الوره جک قدر لسان اوکرملرینه مساعده لطفنده بولوندیلر . معافیله بوتون بو معامله لرندده حقارتک ؛ شرفه ، حیثیه هجومک انواعی تطبیقندن کری طور مادیلر . مقصدلری ایسه اهلایی کندیلرینه نسبتله علوم نافعنه ک ، اخلاق فاضله نک ، عزت نفسک هر نوعدن محروم بر طبقه فافله درکه سینه ایندیره رک وطنلرند بیلدکلری کی اویناق ، اللرندن غصب ایتدکلری اسباب معیشتلری اوزرند ایتسه دکلی طرزده تصرف ایدرک بیچاره لری حیوانات اهلیه سورولری کی قوللایمق ؛ زوالیلرند نه اقلدیلرینک مستغرق اولدقلری نعمتله مشارکت ، نه ده ییچه اسارتلرندن قور تولمیه غیرت حسی بر اقامق دن عبارتدی . واقعا مقصدلرینک بویوک بر قسمی ده استحصال ایتدیلر . ایتسه محاربه حاضره باقکیز . بولردن میلیونرجه سی جبراً و قهرأ میدان حرب سوروکلیدیلر . قسم اعظمک عسکرلکه اصلا آشنالی اولمادی حالده هپسین اوک صفلره سوق ایتدیلر . طبق چولده یاشایان اقوام وحشیه نک دوه لری دشمنه قارشی قالقان یرنده قوللایمق کی بوزوالیلری ده خصم لریک مدھش آتشاری اوکنده کندیلرینه سپر آنخا ایتدیلر . حربک ایکی جهنمی ارسنده قالان بوزوالیلرندن نه قدرینک محو اولوب کیتدیکنی اللهدن باشقه کیمسه بیلمز . طبیعیدر که بومعصوم حیاتلر هدر اولورکن ذره قدر اهمیت و یرلیور ، حقارنده ذره قدر تأثر حس اولورم یوردی .

مدنیت یالیزینه بورون بو وحشی دشمنلرک ، بو انکلیز . فرانسه ، روسلرله کندیلرینه انضمام ایدنلرک غایه اتحاد ایدرک حصولی ایچون جبالایوب طور دقلری یکانه مقصد شو تحکم و تسلطده کی تفردلری تعمیم ایتک ؛ اخلاقی تمامیه بیترمک ؛ اقوام محکومه دن علمی ، معرفتی کاملاً قالدیره رق عباداللهه ابدیاً حاکم مطاق کسيلمکدر . مادی ، معنوی بوتون حاضر لقلریله بوتون تفکرلری ، بوتون تصورلری انسانیت حقنده بسله دکاری شو غرضک تحفته راجعدر . ایتسه انسانیتی تخریبه معطوف اولان بو غرض سائقه سیله درکه ابنای آدمی

تلف ایستی . دوئالرینک مهم بر قسمتی باطیره رق کندیلارینه
میلیارلرجه فراق خسار ایقاع ایلدی . دشمنلر نه یایه جقلری تعین
ایده مز بر حاله کلدی . بونک اوزرینه قهرمان متفقلر مز کال سهولت
واطمشان ایله خارق العاده ظفرلر تأمین ایدرک طور اقلری دشمنلرینک
لوت وجودندن تمیزله دکن صوکر اراضیلرینک اک مهم ، اک زنکین
اقسامنه مستولی اولدیلر . عسکرلرینک قسم اعظمی هلاک و اسیر
ایتدیلر ، نامتاهی غنائم آلدیلر . ده صوکره رجال سیاستمز
بولغارلری اقاعه و اولرله منافع حقیقه لرلی تفهیمه موفق اولدیلر .
مملکتلرینک منفعتی تقدیر ایدن بولغار رجال حکومتی ده بزم طرفه
التحاق ایدرک اوزرینه قدر توالی ایدن عسکرلی مظفریاتمه برده بو
ظفرسیاسی انضمام ایستی . دشمنلرک آمالی باعمال اولدی . قوردقلری
طوزاغه کندیلری دوشدی . بو صورتله خلافت اسلامییه دولتی
اولان دولت علیه ایله متفقلری آره سنده کی طریق مواضله آچیلدی .
دشمنلرک کندیلری ایچون بول آچق حقیقه کی امللری سرنکون
اولدی . دنیا باشلرینه دارکله یه باشلادی . بزلر ایسه متفقلر مزله
برابر تاهانبورغدن بصریه و سویس قالی سحنه قدر امتداد
ایدن بر فضای فسیح ایچنده ایسته دیکمز کبی جولانه باشلادق . بو
کون بر حرکتله اقضای هند و بحر محیط غربی سواخلندن اقضای
سویسه قدر یورومک امکاتی استحصال ایله مشغول .

کائناتی یارادان ، انسانلری نعمت عقل ایله ممتاز ایدن جناب
فاطر حکیم حقه نصرت ایدر و دائماً اهل حق ایله برابر اولور ؛ باطلی
قهر ایدر و باطله طرفدار اولانلری خذلانده بر اقیب . ذات کبریاسنه
یوز بیک حمد ، یوز بیک شکر .

لکن شوراسی اونوتاملی یز که دشمنلر مزه محاربه حاضرینی بو
قدر مدعش بر صورتده ترتیب ایتدیرن آمال و احتراصات هیچ بر
زمان سنکون بولمایه جق ؛ طامارلرنده از حیات جولان ایتدیکه
ذهنلرندن حیقه مایه جقدر . امللرینک تحققه معطوف اولان سعی و
مجاهده لرنده ذره قدر قور کوسرملری بکله مک محاله وجود ویرمک
دیمکدر . بناء علیه بزم واجب اولان نه کی فداکارانی ایجاب ایدرسه
ایتسون ، نه قدر اوزارسه اوزاسون محاربه حاضرده ثبات کوسرتمک
و نتیجه قطعییه ی استحصال ایچون عزملری توحید ایله مکدر . او
نتیجه ایسه بزم و بوتون متفقلر مزک استقبالمزی تأمین ایلکدن
و دشمنلر مزک حقمزه کی وحشیانه تصورلری خارجه وجودینه
امکان اولیان خیالات درک سینه ایتدیرمک کندیلری او خیالاتک
تحقیق سوداسیله تکرار آفاقلامیه سوق ایده جک نه قدر قیو وارسه
هینینی ابدیاً قیامقندن عبارتدر .

بزلر بر طرفدن شیمدی به قدر الیه ایتدیکمز سیاسی و عسکرلی
مظفریاتمز ، دیگر طرفدن مرکزی اوروپایی خلافت اسلامییه و
طولایسیله بوتون جهان شرق ایله ودادی ، سیاسی و اقتصادی بر
صورتده برلشدیرن شو طریق مواضله ی تأمینیه موفقیتمز سایه سنده
مرض ایتدیکمز نتیجه یه کال سهولتله واصل اوله بیلیرز .

خربک ایجاب ایده جکی شدانده بوندن بویله ده کوس کر مک ؛
صلحک اوزاق ، یاخود یاقین اولدیغی دوشمنه یرک غایه آمالزی الیه
ایتمیه چالیشیق بزم ایچون قولایدز .

فکر عاجزانمه کوره دشمنلر طرفندن ایلروده آچیله جق فته
قبولری قیامق ، بو یوزدن ظهور ایده جک مهالکک اوکی آلهرق
کندیمزی ، ده طوغریسی عالم بشرتی بلالرندن مصون قیلمق ایچون
مراجعت ایدیه جک یکانه تدبیر ، اعدامز طرفندن حریتلری غصب
اولونان امتلره دست معاوتی اوزاده رق استقلاللرینک عودتی تأمین
ایلمکدن عبارتدر . ایشته او زمان بو امتلرک کافه سی دشمنلر مزدن
آریله رق بزم صفار مزه کچرلر ، بوتون قوتلری بزم قوتلر مزه
انضمام ایدرک اعدا ایله آزه مزده بر سد آهنین اولورلر .

بو مقصده وصول ایسه مصرک قنچی ، ایرانک دشمندن تطهیری ،
آفریقا و شرق اقضا ایله مواصله نک تأمین و اوراده کی اهالی یه بر
طرفدن امور اداریه و عسکریه ده متخصص آدملر ، دیگر طرفدن
اسلحه و مهمات کوندرمک صورتیه قابل اوله بیلیر . بو تدبیر حرب
حاضرندن بکله نیلن نتیجه حقیقه یی تمامیه کافل اولدقندن باشقه سفر
برلکک بدایتندن بو گونه قدر اقتحام ایدیلن معرکه لردن نسبت قبول
ایتمیه جک قدر آز فداکارانی موجبدر .

داهی سیاسی برنس بسار قک بر سوزی شو مقامه بک مناسبدر .
اوت ، ۱۸۷۰ — ۷۱ محاربه سنده فرانسلر « سهدان » ده المان
اردولری طرفندن محاصره ایدیلشدی . شرائط تسلیم حقیقه مذاکره
ایچون کلن فرانسز جنرالی ر آراق :

— فرانسز ملتلی دیگر ملتلردن دها عالیجناب ، دها فداکاردر .
بوندن طولای حقارنده کوسرتمه جکمز مروقی تقدیر ایدر ، مقابله ده
قصور ایتمز .

دینچه بسارق شو یوله جواب ویرمشدی :

— فرانسلرک سریع الانفعال ، جسود ، متکبر بر ملت اولدیغی
بیلدیکمز حالده بزم شو مظفریتزی هضم ایده جک لرینه قائل اوله یه
قالقیشیرسه ق دلیلک ایتش اولورز . سز ایکیموز سنه دنبری پروسیایه
قارشلی اوتوز کره اعلان حرب ایتدیکمز . بودفعه ده سادووا مظفریتزی
چکه مدیکمز ایچون بر معتاد بزمه حربه قالقشیدیکمز . بک اعلا ،
بو کون ناصیل اولورده سهدانده کی غالبیتزی خوش کوره بیلیرسکمز ؟
خایر خایر ، اکر بزم سزکله ایسته دیکمز شرائط داخلنده صلح عقد
ایده جک اولورسه ق بر قاچ سنه صوکره کندیکمز کلدیکمز کبی
یکسندن اوزر مزه هجومه قالقیشیرسکمز . بزم سزدن ایلمک مکافات
اولق اوزره بکله دیکمز حرکت آتجق بودر . بزه کلنجه ، بزم
اخلاقز سزککنه تمامیه مخالفدر . بزم صداقتی ، سکونی سور بر
بر ملتز . فتوحات سوداسنده دکمز . یالکمز صلح و سلامت ایچنده
باشامق ایسترز . آنک ایچون کوستردیکی جبروتدن طولای فرانسه نک
تأدیپ ایدیلشی ، بزمده اولاد واحفادمزک سلامتندن مطمئن اولماقمز

حیقار حیقماز شمیدی به قدر وجوده کتیر دکاری استحضاراتک قات قات فوقنده تدارکات ایله واسکیسندن قیاس قبول ایتیه جک درجه ده فضله بصیرت و تیقظ ایله اوزر مزه صالدرمق ایسته یه جکار در .

مادام که دشمنلر مزك تحت اسارتنده در تیوز میلیونه یاقین ابنای بشر بولونیور، مادام که بوقدر نفوسك مالی، جانی اوزرنده ایسته دیکی کی تصرف ایدرك خدمت مجوریه عسکریه یی تعمیم ایدیور؛ پك یاقین بر زمانده و کمال سهولته، کوچك ضابطلری ده اچلرندن اولمق شرطیله، میلیونلرجه عسکر یتشدیررک و سوق و اداره سنی کندی رجال عسکریه لرینه تودیع ایدرك ایسته دکلیرنك اوزرینه توجیه و ایسته دکلیرنی تهدید ایله کندی طرفلرینه جلب ایده بیلرلر. آرتیق بوقدر مادی بر قوته برده مغنوی قوتلری تشکیل ایدن ملعتلری، دسیسه لری انضمام ایدنجه یانمایه جقلری قالماز .

اگر پرنس بسمارق حیاتده اولسه یدی هیچ شبهه یوقدیر که شو مطالعه ده بولنوردی : دشمنلر مزك کافه سیله آره مزده آشیلما سی غیر قابل، تمامیه مستقل، کندی کندی مدافعه قدرتی حائر اولان، ایجابنده بزم صفر مزه کچن و بزم ایچون کندی لرینه قارشی خیر خواهلق، اخلاصه معامله، منصفانه حرکت، ابتدائی و بسیط شکلرده معاونتدن باشقه فداکارلغ حاجت مس ایتمکسزین کندی لرندن استفاده قابل اولان ذی حیات حدودلر، قلعه لر وجوده کتیر مدکجه صلح عقدینه قالقشقم اک فاحش بر خطای سیاسیدر .

بوده دشمنلرک بویوندوروغی آلتنده ایکله یین مظلوم امتلری تخلص ایدرك استقلاللری کندی لرینه ویرمکه اوله بیلر، که اساسی مصرک فتحیله عجمستانک تطهیرندن عبارتدر . شیخ صالح الشریف

اسلام

و اتلاف حکومتلری

بوتون عالم اسلامی بوقدر سافل بر درکیه ایندیرن اخلاقی و اجتماعی خسته لقلری مزه دائر بر قاج سوز سویله مک ایسترز :

هر کس بیلر که تاریخ سیاسیلرینک ایلمک دور دلرنده، مسلمانلر دینه صاریلق، کتاب اللهک تعلیماتی خارجه حیقما مق، رسول امینک (صلعم)، خلفای راشدینک سیاسته اتباع ایلمک خصوصنده خلفلرینک پك فوقنده ایدیلر. اسلاف کرک قرآن حکیمک، کرک قرآن کندیسنه کوندیریلن نبی کریمک کوستردیکی سیاستدن آریلادیلر. اوسایه ده درکه عظمتلرینه قارشی بویونلر اکیلدی؛ صولتلی اوکنده سریر سلطنتلر دوریلدی؛ نفوذ و شوکتلری اقلیملره سایه صالیدی؛ دنیانک شرقتده، غربنده بوتون غالبیتلر کندی لرینک اولدی .

مسلمانلر دینلرینه صیم صیقی صاریلدقلری دملرده اوواسع ملکه صاحب اولمش، هیچ کیمسه نك یاقلاشه مایه جنی او مرتبه یه وارمش

لازمدر، که بوده فرانسه ایله آره مزده تجاوزدن مصون بر حدود بولنسیله قابل اوله بیلر . بناء علیه دائما هجومکزدن امین اولمقلغمز ایچون بزه اراضی، مستحکم مواقع و حدود لازمدر . . . بسمارق بر آز صوکر شو سوزلری علاوه ایشدی :

-- اوت، بز صلح ایسترز . لکن دواملی بر صلح ایسترز . بوسیدن فرانسه یی بوندن بویله بزه مقاومت ایدمه جک بر حاله کتیرملی بز. معلومدر که او وقت آلمانیا فرانسلرندن آلباس ایالتیله لوره نك بر قسمتی و بعض مستحکم موقعلری آلمش و آره ده کی حدودی تقویه ایش، آغیر برده تضمینات حربیه ایسته مشدی . بوسورتله عقد ایلدیکی صلح اوزرینه آرتیق فرانسه نك ابدیاً آلمانیا قارشی حقیقه جغه احتمال ویرمه مشدی . لکن فرانسلر بلجیقا حکومتی آلداتورق آلمانیا ایله بلجیقا آره سنده غایت مستحکم بر حدود وجوده کتیردیلر، صوکر میلیارلرجه فرانق و یروب روسلری و اردولری صاتین آلدیلر . هر بری تونس، مصر، فاس، طرابلس، سودان قطعه لری اوزرینه اوطورمق صورتیله انگلیز و ایتالیا نلرله تشریک مصالح ایتدیلر . فرانسلر بوکون نفوسی قرق میلیونه قریب بر مستعمره وجوده کتیردیلر . اوچ سنه قدر اول بومستعمره ده خدمت عسکریه یی مجبوریت آلتنه آله رق افریقانک فوق العاده شجیع بولنان اهالیسندن اردولر احضا ایتیه باشلادیلر که محاربه حاضره بر آز دها کیکمش اولایدی بوتشیلرنده موفق اوله جقلردی؛ بوموفقیت ایسه بزم ایچون بویوک بر مصیبت کسینه جکدی . دها صوکر فرانسلر، افراد اهالیسی یوزلرجه میلیونه بالغ ویر یوزنده کی انسانلرک نصفه قریب بر کتله دولیه حالنده اوله رق مدھش بر صورتده انتقام آلتی ایچون آلمانیا اعلان حرب ایتدیلر . شاید بو محاربه بش سنه دها کیکمکیدی ده بو آغین مخلوقلرک تدارکات حربیه لری تمام اولایدی عالم انسانیتک ایشی یتمشدی . لکن عبادینه قارشی رؤف و لطیف اولان جناب حق بزی صیانت ایدرك دشمنلر مزك قازمق ایسته دکلی چوقوره کندی لری دوشوردی . «وزید ان عن علی الذین استضعفوا فی الارض و نجعلهم ائمة و نجعلهم الوارثین . و نمکن لهم فی الارض و نری فرعون و هامان و جنودهما منهم ماکانوا یحذرون .» طرزنده کی تجلی الهیسنی تکرار ایلدی .

پرنس بسمارقک، او داهی مشهورک سوزلری نظر امعانه آلان و او وقتدن اعلان حرب زمانه قدر فرانسلرک تعقیب ایلدیکی خط حرکتی تدقیق ایدن بر آدم یقیناً آکلارکه فرانسلر سه دان غلبه سنی بر درلو عفو ایدمه مشلر و مغلوبیتلرندن اعتباراً خصملرندن انتقام آلتی ایچون هر درلو مقیاس و تصورک فوقنده حاضر لقمده بولنمشلردر . بناء علیه کرک کندی لری، کرک طبیعت اعتباریه کندی لرندن بیک قات بدر اولان متفقلری بو محاربه دن مفهور و ذلیل بر حالده چیقدقلری زمان عجیب بزم بوظفر مزی خوش کورملری، بوندن بویله صلح و سکون ایچنده یاشایه رق کره ارضی شرلرندن امین بر اقلری تصور ایدیه بیلریمی؟ خایر خایر، آنلر بو حربدن